

**ԳՅՈՒՄՐՈՒ Մ. ՆԱԼԲԱՆԴՅԱՆԻ ԱՆՎԱՆ ՊԵՏԱԿԱՆ ՄԱՆԿԱՎԱՐԺԱԿԱՆ ԻՆՍՏԻՏՈՒՏ
ՊԱՏՄՈՒԹՅԱՆ, ԻՐԱՎԱԳԻՏՈՒԹՅԱՆ ԵՎ ՆՐԱՆՑ ԴԱՍԱՎԱՆԴՄԱՆ ՄԵԹՈԴԻԿԱՆԵՐԻ
ԱՄԲԻՈՆ**

Մասնագիտություն – Պատմություն

Կուրս/կիսամյակ – I/II

ՀԻՆ ՀՈՒՆԱՍՏԱՆԻ ԵՎ ՀԻՆ ՀՌՈՄԻ ՊԱՏՄՈՒԹՅՈՒՆ

ԴԱՍԱԽՈՍՈՒԹՅՈՒՆՆԵՐ

ԿՐԵԴԻՏՆԵՐԻ ՔԱՆԱԿ	6 / 180
ԼՍԱՐԱՅԻՆ ԺԱՄ	80
ԴԱՍԱԽՈՍՈՒԹՅՈՒՆ	40
ԳՈՐԾՆԱԿԱՆ ՊԱՐԱՊՄՈՒՆՔ	-
ՍԵՄԻՆԱՐ ՊԱՐԱՊՄՈՒՆՔ	40
ԼԱԲՈՐԱՏՈՐ ՊԱՐԱՊՄՈՒՆՔ	-
ՈՒՍՈՒՄՆԱԿԱՆ ՊՐԱԿՏԻԿԱ	-
ՇԱԲԱԹԱԿԱՆ ԺԱՄ	2

1. Քարեդարյան Հունաստանը: Բրոնզեդարյան մշակույթները
2. Աքայական Հունաստան: Դորիական ներխուժումը
3. Սպարտան և Աթենական պետությունը Ք.ա. XI-VII դդ
4. Հին Հունական գաղութացումը
5. Աթենական ժողովրդավարությունը Ք.ա. VI-V դդ.
6. Հույն-Պարսկական պատերազմը
7. Հին Հունաստանը Ք.ա. V-IV դդ.
8. Մակեդոնիայի Հզորացումը
9. Մակեդոնացու արևելյան արշավանքը
10. Հելլենիստական Հունաստանը: Նվաճումը Հռոմի կողմից
11. Հին Հռոմը թագավորական ժամանակաշրջանում

*Դասախոսություն 1****Թեմա 1. Քարեդարյան Հունաստանը: Բրոնզեդարյան մշակույթները***

Հին Հունաստանը բնակեցված է եղել մարդու կողմից դեռևս վաղնջական ժամանակներում: Քաղկիդիկե թերակղզում հայտնաբերվել են (Պետրալոնե քարանձավ) արքատրոպի բրածո մնացորդներ, որոնք թվարկվում են Ք.ա. 300 հազար տարով: Միջին քարեդարյան ուշագրավ բնակավայր է Փրանաքթին, որտեղ մարդիկ բնակվել են Ք.ա. 30 հազար տարի առաջ: Փրանաքթին եզակի է նրանով, որ մարդն այստեղ ապրել է մինչև Ք.ա. 3000թ. անընդհատ: Փրանաքթի բնակիչները կապեր ունեին, Էգեյան ծովի կղզիներում բնակվողների հետ: Պելոպոնեսում գտնվող այդ քարանձավում հայտնաբերվել են անգամ փոքրասիական ծագուն ունեցող բուսատեսակների մնացորդներ: Նոր քարե դարյան ժամանակաշրջանում մայրցամաքային Հունաստանի բնակիչները հաղորդակցվել են անատոլիական (Փոքր Ասիա) մշակույթի կրողների հետ: Այստեղ է պեղվել Եվրոպայի հնագույն նեոլիթյան բնակավայրը՝ Նեա Նիկոմեդիան (Ք.ա. VII հազարամյակ), որ գտնվում է Մակեդոնիայում: Բնակիչների հիմնական զբաղմունքը երկրագործությունը և անասնապահությունն էր: Առկա են ուղղանկյուն արհեստական կացարաններ, ինչը վկայում է նստակեցության մասին: Հայտնաբերվել է խեցեղեն և կանացի արձանիկներ: Մերտ աղերսներ կան անատոլիական Հաջիլար և մերձավորարևելյան Հասսունա բնակավայրերի հետ: Նեոլիթյան մշակույթը առկա է ինչպես Փրանաքթիում, այնպես էլ Մեսկլոյում: Սա Թեսալիայում գտնվող բնակավայր էր, որը թվարգվում է Ք.ա. VII հազարամյակով: Պեղվել են Մեգարոն կոչվող ուղղանկյուն կացարաններ, որոնց կենտրոնում օջախն է: Մեսկլոյում բնակվել է մոտ 3 հազար բնակիչ, ինչն էլ հիմք է տալիս այն նախաքաղաք համարել: Բնակիչները հողագործներ և անասնապահներ էին: Առկա էր Մայր-Աստվածուհու պաշտամունքը: Ք.ա. 5000թ. մոտերքը Մեսկլոն կործանվել է մեկ այլ նեոլիթյան մշակույթի՝ Դիմինիի բնակիչների կողմից: Դիմինին կառուցված է բլրի վրա, առկա է միջնաբերդ՝ ակրոպոլիսը: Մերտ աղերսներ կան բալկանյան Վինչա մշակույթի հետ: Նեոլիթյան են նաև Դիսպիոն (Մակեդոնիա), Լեոնան (Արգոս): Ենթարկվում էր, որ Նեա նիկոմեդիայի և Դիմինիի բնակիչները եկվորներ են Արևմտյան Անատոլիայից: Անցումային շրջանի բնակավայր է Հարիսսան (Թեսալիա): Պղնձեքարեդարյան մշակույթը Հին Հունաստանում ներկայացված են Միլոս կղզա Փիլակոպի բնակավայրով, որը

Հին Հունաստանի և Հռոմի պատմություն դասախոս՝ Ա. Նիկողոսյան
վանակատի (Օբսիդիան) արդյունահանման խոշոր կենտրոն էր (Ք.ա VI-V
հազարամյակներ) և Սալիագոս բնակավայրը նույն կղզում:

Վաղ բրոնզե դարից սկսած (Ք.ա. IV-III հազ.) Բալկաններում ձևավորվում են մի շարք քաղաքակրթություններ, որոնցից հայտնի են Էգեյանը և Կիկլադյանը: Էգեյանի մեջ որպես փուլեր առանձնացնում են Կրետո-Միկենյան ժամանակաշրջանը (Ք.ա. III-II հազ.): Այս փուլը ներառում է հետևյալ քաղաքակրթությունները՝ Մինոսյան (կամ կրետեկան), որը ընդգրկում է Ք.ա. III հազ. մինչև Ք.ա. XII դարն ընկած ժամանակահատվածը, Էլլադական, որը տևում է Ք.ա. III հազ. մինչև Ք.ա. XII դարը: Հարակից է և համաժամանակյա կիկլադյան քաղաքականությունը, որը ևս տևում է Ք.ա. III հազ. մինչև Ք.ա. II հազ. վերջը և ընդգրկում է Կիկլադյան կղզախմբի մեջ մտնող կղզիների մշակույթները:

- 1) Վաղ մինոսյան շրջան (Ք.ա. 3000թ. մինչև Ք.ա. 2000թ.)
- 2) Միջին մինոսյան շրջան (Ք.ա. 2000թ. մինչև Ք.ա. 1450թ.)
- 3) Ուշ մինոսյան շրջան (Ք.ա. 1450թ. մինչև Ք.ա. 1100թ.)

Էլլադական քաղաքակրթության մեջ առանձնացնում են վաղ Էլլադական շրջանը (Ք.ա. 3000թ. մինչև Ք.ա. 2000թ.) միջին Էլլադական շրջանը (Ք.ա. 2000թ. մինչև 1600թ.) և ուշ Էլլադական շրջանը (Ք.ա. 1600թ. մինչև Ք.ա. 1700 թ.): Ուշ Էլլադական շրջանը նաև անվանում են միկենյան քաղաքակրթություն կամ սքայական քաղաքակրթություն: Այն ընդգրկում էր մայրցամաքային Հունաստանը:

Կիկլադյան քաղաքակրթությունը ներկայացված է բրոնզեդարյան այնպիսի բնակավայրով, ինչպիսիս են Կաստրին (Միրոս կղզին), Պոլիոքեն (Լեմնոս), Փիլակոպեն (Միլոս), Ակրոտիրին (Թիրա), Այս Իրինիան (Քեոս): Հայտնի արգասիքներ էին «կիկլադյան կուռքերը»՝ հոյակապ մշակված արձանիկները և պաշտամունքային «թավաները»: Թաղումները կատարվում էին քիստա կոչված քարե արկղ-դամբարաններում: Կտրուկ առանձնացնում է Լեոնա բնակավայրը Արգոսում, որտեղ պեղված է երկհարկանի պալատ (Ք.ա. 2500թ.) և որի բնակիչները հնդեվրոպացիներ են: Հստակեցված է պելասգների (փղշտացիներ), լելեգների և կարիսցիների առկայությունը:

Թեմա 2. Աքայական Հունաստան: Դորիական ներխուժումը

Հին Հունաստանի պատմության հնագույն շրջանում կարևոր դեր են խաղացել հնդեվրոպական ցեղախումբերը, որոնք զանգվածայնաբար ներխուժել են Բալկաններ և իրենց զգալի ազդեցությունը թողել հույն ժողովրդի ձևավորման վրա: Ժամանակային առումով առաջինը Հունաստանում հայտնվել են աքայացիները (Ք.ա. III հազարամյակի վերջին), որոնք սկզբում հաստատվեցին Էպիրոսում և Թեսալիայում, ապա իջան հարավ և հաստատվեցին Պելոպոնեսում: Նրանք մասամբ ոչնչացրեցին ոչ հնդեվրոպացի տեղաբնիկներին, սրանց մի մասը հեռացավ երկրից: Հարաբերվելով զարգացած մինոսյան քաղաքակրթության հետ և զգալի փոխառություններ կատարելով նրանից տոհմացեղային մակարդակի վրա գտնվող աքայացիները անցում կատարեցին դեպի պետականություն և սոցիալ-քաղաքական շերտավորում: Պեղվել են բազմաթիվ աքայական բնակավայրեր, որոնք մեծ մասամբ պատճենահանում էին կրետական բնակավայրերը՝ կենտրոնում կառավարչի՝ բասիլևսի պալատն էր կիկլոսյան ամրոցի տեսքով, իսկ նրա շուրջը բնակիչների հյուղակներ էին:

Հայտնի են Միկենեն և Տիրինթոսը Արգոսում, Փիլոսը՝ Մեսենիայում, Յոլքոսը՝ Թեսալիայում, Թեբեն և Օրքոմենեն՝ Բեոլթիայում և Աթենքը՝ Ստոիկայում: Ժամանակի ընթացքում աքայացիները գրավեցին Էգեյան ծովի կղզիները և սկսեցին առնչվել Էսեթական տերության հետ: Խեթական արձանագրություններում հիշատակվում է արևմուտքում գտնվող Աքիյավա երկրի մասին: Աքայական կամ միկենյան հասարակության գոյության հիմքում ոչ թե գյուղատնտեսությունն էր, այլ թալանչիական արշավանքները՝ պատերազմը: Պեղված աքայական առաջնորդների գմբեթարդ դամբարաններում՝ թոլոսներում, հայտնաբերվել են ավարի արգասիքներ ոսկու և այլ թանկարժեք մետաղների տեսքով: Ակսվել էր սոցիալական շերտավորումը: Հայտնի էր տոհմային ավագանին՝ պոլիկլերոսներ, որոնք արդեն տիրապետում էին զգալի ունեցվածքի և նրանց կողքին արդեն՝ ազատ հողատեր համարականների կողքին, հայտնավել էին հողագուրկ ակղերոսներ: Բասիլևսի հետ տոհմը կառավարում էր Ավագների խորհուրդը՝ Բուլեն, որին աջակցում էր ժողովրդական ժողովը՝ ագորան: Շնորհիվ հունական էպոսի՝ Հոմերոսի «Իլիական» և «Ոդիսականի», հայտնի է դարձել աքայական ցեղերի միացյալ արշավանքը փոքր Ասիա և պատերազմը Տրոյս պետության դեմ (Ք.ա. 1198-1188թթ.): Մինչև այդ աքայացիները՝ օգտվելով կրետական տերության

Հին Հունաստանի և Հռոմի պատմություն դասախոս՝ Ա. Նիկողոսյան
աղետալի կործանումից, Ք.ա. XIV դարում գրավել էին Կրետեն և հաստատել կրետե-
Միկենյան պետություն: Ք.ա. XIV-XIIIդդ. Բալկաններ ներխուժեցին նոր հնդեվրոպական
ցեղեր՝ Դորիացիները: Սրանք տիրապետում էին երկաթի մշակման և դրա շնորհիվ
կարողացան նախ հաստատվել Էպիրոսում, ապա Ք.ա. XII դարում ներխուժեցին
կենտրոնական Հունաստան ևր նվաճեցին Ատտիկան: Մքայացիների զգալի մասը
հեռացավ երկրից, մնացածները հպատակեցվեցին: Դորիացիները իջան Պելոպոնես և
գրավեցին Լակոնիան (Սպարտա): Աքայական ցեղերի գերակայությունը պահպանվեց
Աքայայում և Արգոսում: Սկսվում է հույն ժողովորդի էթնոգենեզը, որին ակտիվ մասնակցել
են Աքայացիները, դորիացիները, Փոքր Ասիայում հաստատված հոնիացիները և
եռլացիները: Ք.ա. XI դարից սկսվում տոհմային հասարակության քայքայումը: Մինչև Ք.ա.
IX դարը ընկած ժամանակը Հունաստանում Ք.ա. IX դարի կեսերից սկսվում է վերելք,
աշխուժանում է առևտրատնտեսական կյանքը: Քաղաքը գտնվում էր հարևան գյուղական
բնակավայրերի հետ համակեցության մեջ՝ սինոյկիա և դա ավելի է կայունացնում նրա
գոյությունը: Առաջին քաղաք-պոլիս համարվում էր Աթենքը: Պոլիսն ուներ սոցիալական
դասային կառուցվածք (եռադաս): Իշխող կամ կառավարող դասը եվպատրիդներն էին՝
մասնավոր հողատեր ազնվականությունը, երկրորդ դասը՝ գեոմորոսներն էին, երրորդ
դասը՝ դեմիուրգներն էին՝ արհեստավորները և վաճառականները: Ք.ա. 850-650 թթ.
ընդունված է անվանել արիստոկրատիայի (ազնվաիշխանություն ժամանակաշրջան):
Սոցիալական բևեռացման պատճառով շուտով սկսում են սրվել արիստոկրատիայի
(հիպատրիդներ) և դեմոս (II և III դասեր) միջև հարաբերությունները: Ք.ա. VII դարի կեսից
առաջանում են քաղաքացիական բախումներ և հուզումներ:

Թեմա 3. Սպարտան և Աթենական պետությունը Ք.ա. XI-VII դդ

Ք.ա. X դարում, Պելոպոնեսի հարավում, դորիացիները ձևավորվեցին Սպարտա կամ Լակոնիկե պետությունը: Այն ուներ յուրահատուկ սոցիալ-քաղաքական կառուցվածք և առաջանում էր մյուս հունական պետություններից ունեցվածքային և իրավական, ինչպես նաև գենդերային հավասարության առկայությամբ, ռազմական բարձր պատրաստակամությամբ: Սպարտական պետականության հիմքում ընկած էին Ք.ա. IX դարի գործիչ օրենսդիր Լիկուրգոսի օրենքները («Հոետրան»), որոնք սահմանում էին ինչպես պետական կառավարման ձևը, այնպես էլ սոցիալական կառուցվածքը: Բնակչությունը բաժանվում է 3 դասերի: Առաջին կամ իշխող դասը սպարտացիներն էին (դորիացիների հետնորդները) մոտավորապես 9 հազար ընտանիքից բազկացած նրանք բնակվում էին Սպարտա բնակավայրում, սակավ երկրի մնացած մասերում տնօրինում էին հավասարաչափ (մոտ 20 հա) հողաբաժինների: Սպարտացիներին արգելված էր ինչպես գյուղատնտեսությամբ, այնպես էլ արհեստներով և առևտրով զբաղվելը: Դրանցով զբաղվում էին հպատակեցված մյուս երկու դասերը:

Պերիեկները (մոտ 30 հազար) զբաղվում էին արհեստներով և առևտրով, ինչպես նաև ծովագնացությամբ, անձնապես ազատ էին, սակայն զրկված էին քաղաքական իրավունքներից: Պատերազմի ժամանակ նրանք կարող էին ծառայել միայն օժանդակ զորամասերում բնակվում էին հիմնականում ծովափնյա բնակավայրերում: Գյուղերում բնակվում և սպարտացի հողատերերի հողերը մշակում էին հելոտները, որոնք համարվում էին Սպարտա պետություն կոլեկտիվ սեփականությունը: Կարգավիճակով ավելի շատ մոտ էին ոչ թե ստրուկներին, այլ ճորտերին, քանի որ ունեին որոշակի սեփականություն և տնօրինում էին ստացված բերքի կեսը: Նրանք լրիվ իրացագուրկ էին: Ավելին, տարեկան մեկ անգամ սպարտական պետությունը պատերազմ էր հայտարարում հելոտներին (կրիպտիա) և առավել ըմբոստները ոչնչացվում էին: Սպարտացի տղամարդկանց զբաղմունքը համատեղ զորավարությունները և համատեղ ճաշկերույթներն ուն նպատակը կոլեկտիվ ոգի դաստիարակելն էր, որն անհրաժեշտ էր մարտի դաշտում: Կանայք ևս ակտիվորեն մասնակցում էին երկրի հասարակական-քաղաքական կյանքին: Ունեցվածքային հավասարություն սահմանելով, հիկուրգոսը ներքին կայունություն և ներդաշնակություն էր ձևավորել սպարտակ հասարակության ներսում, ինչը ձևավորվել էր իրական և ոչ թե ձևական իրավահավասարություն:

Հին Հունաստանի և Հռոմի պատմությունն դասախոս՝ Ա. Նիկողոսյան
Պետության գլուխ կանգնած էին 2 արքաները, որոնք խաղաղ ժամանակ գերագույն քրմերի
և դատավորների գործառույթներ էին իրականացնում, իսկ պատերազմի ժամանակ գորքի
հրամանատարներն էին: Նրանցից ավելի բարձր կանգնած է եփորոսները, որոնք կարող
էին նույնիսկ մահապատժի ենթարկել արքաներին: Օրենսդիր իշխանությունը բաժանված
էր վերին պալատի՝ հերուսիայի և ստորին պալատի՝ ապելլայի (ժողովրդական ժողով),
որի անդամ կարող էին լինել 30 տարին լրացած սպարտացիները: Ք.ա. VIII-VIIդդ.
Սպարտան զգալի ընդլայնեց իր տարածքը նվաճելով հարևան Մեսենիան: Ք.ա. 530թ.
ձևավորեց Պելոպոնեսյան Դաշինքը: Աթենական պետության հիմնադիր համարվում է
Թեսսար (Ք.ա. XIII դար), որը սահմանեց քաղաք-պետության կառուցվածք որպես
համակեցություն (սինդկիա): Աթենական հասարակությունը եռադաս էր: Իշխող դասը՝
եվպատրիդները ձևավորվում էին 9 կառավարողների՝ արքունտոսների համակարգը:
Գործադիր բարձրագույն պաշտոնյա I արքունտոս էպոնիմոսն էր, որը տնօրինում էր նաև
պետական գանձարանը: II արքունտոս բասիլևսն էր, որն իրականացնում էր քրմապետի
գործառույթներ, III արքունտոսը պոլեմարքոսն էր՝ գորքի հրամատարը: Մնացած 6
արքունտոսները՝ թեսմոթետոսները դատավորներ էին: Սրանց կից գործում էր ավագների
խորհուրդը՝ արեոպագոսը, որը կազմված էր պաշտոնաթող արքունտոսներից և
իրականացնում էր օրենսդիր վերին պալատի գործառույթներ: Ք.ա. VII դարի վերջից
օրենսդիր ստորին պալատի դերը ստանձնեց ժողովրդական ժողովը՝ Էկլեսիան: Ք.ա. VII
դարում սրվեց պայքարը աթենական արիստոկրատիայի և դեմոսի միջև: Ք.ա. 630թ. ուն
Քիլոն փորձ կատարեց Աթենքում անձնական բռնապետություն՝ տիրանիա հաստատել,
սակայն ձախողվեց: Այնուհանդերձ, դեմոսին հաջողվեց Ք.ա. 621թ. արիստոկրատայի
կամայականության թուլացմանն ուղղված մի լուրջ բարեփոխում իրականացնել: Գրի
առնվեցին սովորույթային իրավունքի նորմերը (Դրակոնտոսի օրենսգիրք): Սակայն
սոցիալական լարվածությունը չէր թուլանում և Աթենքը կանգնած էր քաղաքացիական
պատերազմի եզրին:

Թեմա 4. Հին Հունական գաղութացումը

Հին հունական գաղութացումը սկսվել է Ք.ա. IX դարում և շարունակվել մինչև Ք.ա.V դարը: Այն ուներ հստակ տնտեսական, սոցիալական, քաղաքական և մշակութային պատճառները:

Տնտեսական պատճառները - Արհեստների և առևտրի զարգացումը, դրանց թոփափառն աճը: Հումքի և իրացման նոր, արտաքին շուկաների ձեռք բերման անհրաժեշտությունը: Հացի սղությունը, դրա ներկրման ծավալների մեծացումը:

Սոցիալական պատճառները - Հողի (համայնքապատկան) գավթումը արիստոկրատիայի կոմից, հողագուրկների թվի ավելացումը, արտերկրից ստրուկների ձեռքբերումը:

Քաղաքական պատճառները – Սկսված պայքարը արիստոկրացիայի և դեմոսի միջև հանուն քաղաքական իշխանության, պարտվածների արտագաղթը, թիմոկրատիայի հաստատումը: Մշակութային պատճառներ «Բարբարոսական օյկումենի» մշակութային յուրացումը Աշխարհաճանաչողական հաղորդակցման ծավալումը:

Ընդունված է հունական գաղութացման մեջ առանձնացնել հետևյալ փուլերը.

1. Արևմտյան (դեպի Միջերկրական ծովի արևմուտք) փուլ – Ք.ա. IXդ. – Ք.ա. VII դար:
2. Հարավային (դեպի Աֆրիկայի հյուսիսային մաս) փուլ – Ք.ա. IX դ. – Ք.ա.VI դար:
3. Արևելյան (դեպի Սև ծովի ափամերձ շրջաններ) փուլ-Ք.ա. VI դ-Ք.ա. V դար:

Արևմտյան փուլը սկզբնավորվեց Ք.ա. IX դարի վերջին: Էվբեյարը կղզու Քաղկիս քաղաքի բնակիչները Ապենինյան թերակղզու արևմուտքում: Պիտեկուսա կղզու հիմնեցին գաղութ, ապա քիչ անց հիմնեցին Կումե և Նեապոլիս գաղութները:

Գաղութացման երկու մեխանիզմ կար: Դրանց մեծ մասի ստեղծումը կրում էր կազմակերպված բնույթ: Որևէ հունական քաղաք-պոլիս, ջանալով լիցքաթափել առկա սոցիալ-քաղաքական լարվածությունը և ազատվել աշխատուժի ավելցուկից հասունկ պաշտոնյայի՝ օյկիստի գլխավորությամբ ընտրում էր բնակության համար պիտանի նոր վայր և կազմակերպում էր գաղութաբնակների տեղափոխումը և հաստատումը: Հիմնադիր պոլիսը կոչվում էր «Մետրոպոլիս», իսկ հիմնված գաղութը՝ ապոլիս: Առավել հայտնի մետրոպոլիսներն էին Մեգարան, Միլեթը, Կորնթոսը և Փոկեան Արևմտյան գաղութացման արդյունքում յուրացվեց Իտալիայի կենտրոնը և հարավը: Սիցիլիա կղզին և Ֆրանսիայի

Հին Հունաստանի և Հռոմի պատմություն դասախոս՝ Ա. Նիկողոսյան
հարավը: Սակայն դա հարուցեց էտրուսկների և կարթագենացիների դժգոհությունը և նրանք Ք.ա. 535թ. Կորսիկայի մոտ ծովային ճակատամարտում պարտության մատնեցին հույներին և կասեցրին նրանց հետագա առաջխաղացումը: Արևմուտքում ձևավորված հունական գաղութների համակարգը կոչվեց «Մեծ Հունաստան» Հարավային գաղութացման արդյունքում, ներկայիս Լիբիայի տարածքում հիմնվեց կիրենսա գաղութը, իսկ նեղոսի դելտայում՝ նավկրատիս գաղութը: Անհամեմատ մեծ ծավալներ ստացավ արևելյան (հյուսիս-արևելյան կամ սև ծովյան) գաղութացումը նախ գաղութներ հիմնվեցին Թրակիայում (Փոթիդեյա, Ամփիպոլիս, Մարոնեյա): Ապա Սև ծովի հարավային ափին հիմնվեցին Սինոպա, Տրապեսունտ, Կերասունը և Հերակլեյա գաղութները: Սև ծովի արևմտյան ափին հիմնվեցին Իստրիա, Թումե և Ապոլլոնիա գաղութները: Հյուսիսային ծովափին (ներկայիս Ուկրաինայի տարածքը) հիմնվեցին Օլվիան, Թիրան և Օդեսսոսը: Դոն գետի ափին հիմնվեց ամենահյուսիսային գաղութը՝ Տանաիսը: Սև ծովի արևելյան ափին հիմնվեցին Պիտիուստը, Դիոսկուրիան և Փասիսը:

Հին հունական գաղութացումը լուծեց նորաստեղծ գաղութներից բուն Հունաստան հացի, ձկան, անասունների, մեղրի և աղի ներկրման հիմնախնդիրը: Ներկրվում էին զգալի թվով ստրուկներ: Գաղութներ արտահանում էին գինի, ձիթապտուղ և թուզ նաև արհեստագործական արտադրանք: Աշխույժ տարանցիկ առևտուրը նպաստեց Հունաստանի տնտեսական և մշակութային զարգացմանը: Մեծացավ Եվրոպայի հարավում և արևելքում հունական ազդեցությունը, զարգացան ապրանքադրամային հարաբերությունները: Նպաստավոր պայմաններ ստեղծվեցին գիտության և արվեստի զարգացման համար: Ձևավորվեց հունական Սփյուռքը՝ Դիասպորան:

Թեմա 5. Աթենական ժողովրդավարությունը Ք.ա. VI-V դդ.

Արիստոկրատիայից դեմոկրատիայի (ժողովրդավարություն) անցման գործընթացի սկիզբը Արևելքում դրվեց Ք.ա. VI դարի սկզբին, Սոլոնի բարենորոգումներով: Համարյա անարյուն և խաղաղ ճանապարհով Սոլոնը ձեռնամուխ եղավ տոհմային ազնվականության իշխանության տնտեսական սոցիալական և քաղաքական հիմքերի թուլացմանը և դեմոսի դիրքերի ուժեղացմանը:

Նախ արիստոկրատիայի ձեռքից վերցվեց ազդեցության այնպիսի մի հզոր լծակ, ինչպիսին էր պարտքային ստրկությունը: Ք.ա. 594թ. Սոլոնը հայտարարեց պարտքերի լուծարման (սեյսաքթիս) և ստրկությունից աթենացի պարտապանների փրկագնման մասին աթենական գանձարանի միջոցների հաշվին: Դա ստրկացվածների անձերի ազատագրումն էր և ամոթալի այդ երևույթի վերացումը: Պարտքային բեռի թեթևացմանն էր ուղղված դրամական բարեփոխումը: Հին 73 դրահմի փոխարեն այժմ սահմանվում էր 100 նոր դրահմ (28%-ով կրճատում): Հաջորդ քայլով արիստոկրատներից վերցվեց ֆինանսա-տնտեսական ոչ պակաս մի լծակ, որն էլ անզավակ աթենացիների ունեցվածքի տնօրինումը հոգուտ տոհմիկ ավագանու: Թույլատրվում էր այդ ունեցվածքի օտարումը և վաճառքը: Տնտեսական մյուս բարեփոխումներն ուղղված էին արհեստների և առևտրի զարգացմանը: Արգելվեց հացահատիկի արտահանումը և քաջալերվեց գինու և ձիթայուղի արտահանումը: Մտցվեցին խնայողությանը և համեստ կենցաղավարմանն ուղղված օրենքները: Դրանց հաջորդ քաղաքական բարեփոխումներ: Պետության և հասարակության մեջ ըստ տոհմային ծագման դիրք կամ պաշտոն զբաղեցնելու նախապայմանը փոխարինվում էր ըստ ունեցվածքի նախապայմանով (թիմոկրատիա կամ պլուտոկրատիա): Այսուհետև, որևէ աթենացի որևէ պաշտոն կարող էր զբաղեցնել ըստ իր ունեցվածքի չափի: Ըստ այդմ, աթենացիները բաժանվեցին 4 խմբերի: Առաջին խմբի մեջ մտան ամենաուսնորները՝ պենտակոսիոմեդիմները (500 մեդիմներ ունեցողները): Մեկ մեդիմը հավասար է 52 լիտրի (1 տակառ): Միայն նրանք կարող էին զբաղեցնել արեոպագոսում: Երկրորդ խմբի (դասի) մեջ մտան 300-ից 500 մեդիմն ունեցողները (հիպպոսներ կամ հեծյալներ): Նրանք կարող էին զբաղեցնել վերակացուների կամ օրինապահների պաշտոնները: Երրորդ դասի (200-ից 300 մեդիմն) քաղաքացիները՝ զևգիտեսները (լծկալներ) կարող էին դառնալ «400»-ի: Խորհրդի անդամ (բուլե) կամ

Հին Հունաստանի և Հռոմի պատմություն դասախոս՝ Ա. Նիկողոսյան
գրադեցնել տվյալ աստենակալի (դատավորի) պաշտոն: Չորրորդը, առավել չունևոր դասի ներկայացուցիչները՝ թետոսները իրավունք ունեին մասնակցել ժողովրդական ժողովի նիստերին (Էկլեսիա), սակայն միայն քվեարկելու և ընտրվելու, բայց ոչ ընտրվելու իրավունքով: Դրանք թետոսներն էին: Այսպիսով, հայտնվեցին կոլեգիալ կառավարման նոր մարմինների հանձր. «400»-ի: Խորհրդի Էկլեսիայի և դիկաստերիայի (երդյալների դատարան): Սա դեպի ժողովրդավարություն տանող առաջին, բայց և բավականին լուրջ քայլ էր: որքան էլ տարօրինակ թվա, բայց դեմոկրատիայի խորացմանը նպաստող հաջորդ գործիչը Աթենքի տիրան (այսինքն բռնապետ) Պիսիստրատեսն էր (Ք.ա. 560-552թթ.): Նա շարունակեց արիստոկրատիայի դիրքերի թուլացումը: Բազմաթիվ արիստոկրատներ պարզապես արտաքսվեցին, իսկ նրանց ունեցվածքը բռնագավթվեց և բաժանվեց դեմոսին: Ամրացվեց միջին ունևոր խավը՝ ազատ գյուղացիությունը, որոնց բացի հողերի շնորհումից, տրվեցին արտոնյալ վարկեր և փոխառություններ: Մտցվեց հոգուտ դեմոսի, շրջիկ դատավորների համակատարը:

Խթանվում էր արտաքին առևտուրը և արհեստները: Ծավալվեց վիթխարի քաղաքաշինություն, համարյա վերացվեց գործազրկությունը: Ստեղծվեցին անվճար հանրային գրադարան և թատրոն չունևոր խավի համար: Դեմոսի համար նոր տոներ սահմանվեցին: Վերջապես, իրական դեմոկրատիայի հաստատումը ավարտին մոտեցրեց Քլիսթենեսը (Ք.ա. 506թ.), որն իր բարեփոխումներով էականորեն խարխիլեց արիստոկրատիայի հիմքերը: Նախ վառատարածքային առումով Ատտիկան բաժանվեց ինքնակառավարվող միավորներ՝ դեմերի, որոնք ունեին իրենց ընտրովի ղեկավարը և հրավիրում էին ժողովներ: 4 արիստոկրատական ֆիլիերը վերացվեցին: Ստեղծվեցին 10 նոր ֆիլիեր, որտող բնակչությունը խառնված էր արիստոկրատիայի ազդեցության թուլացման համար: «400»-ի խորհրդի փոխարեն ստեղծվեց «500»-ի խորհուրդ: Աթենքի իսկական ղեկավար դարձավ Էկլեսիան: Առաջին արքունտոսի փոխարեն մտցվեց 100 գանձապահների և պոլեմարքոսի փոխարեն 10 ստրատեգոսների համակարգ: Դեմոկրատիան թշնամիներից պաշտպանելու նպատակով մտցվեց օստրակիզմը՝ քաղաքական բարեխոսության և վստահության պարբերական ստուգումը:

Թեմա 6. Հույն-Պարսկական պատերազմը

Հույն-պարսկական պատերազմի գլխավոր պատճառը Աքեմենյան Պարսկաստանի ծավալապաշտական ընդլայնում էր դեպի Եվրոպա, նրա՝ Հունաստանը նվաճելու ձգտումը:

Իշխող պարսկական վերնախավի այդ գավթողական նկրտումները հրավիրվում էին ինչպես Հոնիայի առևտրա-ստրկատիրական շրջանների, այնպես էլ փյունիկացիների կողմից: Պարսիկները նաև դաշինք էին կնքել Կարթագենի հետ: Արդեն Ք.ա. 513թ. Դարեհ I սկյութական արշավանքի ժամանակ նվաճել տվեց Սև ծովյան նեղուցները և վերահսկողություն հաստատեց Հունաստան ներմուծվող հացի վրա: Պարսկական տիրապետության տակ ընկան նաև Հունաստանի սահմանակից Թրակիան, Բյուզանդիոնը և Քաղկեդոնը: Ք.ա. 500թ. դրությամբ նվաճավել էին նաև Էգեյան ծովի մի շարք կղզիներ: Բուն Հունաստանի նվաճման համար գալիք պատերազմի համար որպես հարմար առիթ հանդիսացավ Ք.ա. 499թ. պարսիկների դեմ Հոնիայում սկսված ապստամբությունը: Պատրվակ բռնելով այն իրողությունը, որ Աթենքը և Էվբեյա ռազմական օգնություն ցուցաբերեցին ապստամբներին, Դարեհ I նրանց պատժելու նպատակով էլ Ք.ա. 494թ. արյան մեջ խեղդելով հոնիացիների զինված պայքարը, Նա 492թ. կարգադրեց իր զորավար Մարդոնիոսին մոտ 30հազ. զորքով պատժիչ արշավանք սկսել Աթենքի և Էվբեյայի դեմ: Սակայն զորքը նավաբեկության ենթարկվեց Սթոն հրվանդանի մոտ և արշավանքը ձախողվեց: Դարեհ I հնազանդության պահանջով դեսպաններ ուղարկեց բոլոր հունական պետություններ, որոնց մեծ մասը՝ Թեսալիան, Բեովթիան, Էգիան, Արգոսը և մյուսները, հպատակություն հայտնեցին և ճանաչեցին Պարսկաստանի գերակայությունը: Միայն Աթենքում և Սպարտայում դեսպանները կտրուկ մերժման արժանացան: Աթենացիները սկսեցին պատրաստվել հզոր հակառակորդի դեմ պատերազմի: Բուն Աթենքում հստակվեցին երկու խմբավորումներ, որոնք պարսիկների դեմ պայքարի 2 տարբերակ մարտավարություններ էին առաջարկում: Մեկը ծովային խմբավորումներ էր Թեմիստոկլեսի գլխավորությամբ, որը ազդեցիկ հարձակողական ռազմավարության կողմնակից էր և կոչ էր անում նախահարձակ լինել: Մյուսը ազրարային խմբավորումն էր Միլիթիադեսի գլխավորությամբ: Սրանք պաշտպանական պատերազմի կողմնակիցներն էին: Հաղթեցին Միլիթիադեսի համախոհները և Ք.ա. 480թ. սեպտեմբերի 13 Մարաթոնի

Հին Հունաստանի և Հռոմի պատմություն դասախոս՝ Ա. Նիկողոսյան
դաշտում (Աթենքից 40 կմ հեռու) վճռական ճակատամարտ տեղի ունեցավ 10 հազար
Աթենական հետևազորի (հոպլիտոսներ) և պարսկական մոտ 50 հազ. զորքի միջև:
Միլիթիադեսի ռազմական հետևազորի (հոպլիտոսներ) և պարսկական մոտ 50 հազ. զորքի
միջև: Միլիթիադեսի ռազմական տաղանդի և հույն զինվորների հայրենասիրական ոգու
շնորհիվ, պարսիկները ջախջախել պարտություն կրեցին և հեռացար Հունաստանից: Կարճ
ժամանակ անց Միլիթիադեսը մահացավ Թեմիստոկլեսը ձեռնամուխ եղավ աթենական
նավատորմի կառուցմանը, քանի որ կանխատեսում էր նոր պարսկական արշավանք:
Մինչև Ք.ա. 480թ. կառուցվեց մոտ 200 ռազմանավ: Պատրաստվում էր նաև
Պարսկաստանը: Նոր արքա Քսերքսեսը լաստանավային անցումներ կառուցել տվեց
Հելլեսպոնտոսի (նեղուցներ) վրայով, փորել տվեց ջրանցք Ակտե թերակղզում, անասնակեր
և սննդամթերք կուտակել տվեց թրակիական պահեստարաններում Ք.ա. 480թ. գարնանը
անցավ հարձակման: Պարսկաստանը զորքի հիմնական մասը (մոտ 200 հազ.) Թրակիայից
սկսեց շարժվել Կենտրոնական Հունաստան: Մյուս մասը դեպի Ատտիկա էր ընթանում
ծովով: Չնայած 300 սպարտացիների սխրանքին, Քսերքսեսը գրավեց և հրկիզել տվեց
Աթենքը: Թեմիստոկլեսին հաջողվեց պարսիկներին պարտադրել ծովային ճակատամարտ
Սալամին կղզու մոտ Ք.ա. 480թ. սեպտեմբերի 27-ին: Այն ավարտվեց հույների փայլուն
հաղթանակով: Ք.ա. 429թ. հունական մացյալ զորքը Պավսանիոսի (Սպարտայի ռեգենտ)
գլխավորությամբ, ջախջախիչ հաղթանակ տարավ Պլատեյայի մոտ: Նույն օրը, Էգեյան
ծովում Միկալե հրվանդանի մոտ հունական նավատորմը պարտության մատնեց
պարսկաստանին: Ք.ա. 478թ. դրությամբ պարսիկները վտարվեցին բուն Հունաստանից:
Ռազմական գործողությունները տեղափոխվեցին Փոքր Ասիա: Ք.ա. 468թ. հույները մեծ
հաղթանակ տարան Էվրիմեդոնտոս գետի մոտ: Ք.ա. 449թ. աթենական նավատորմը
Կիպրոսի մոտ պարտության մատնեց պարսիկներին: Կարճ ժամանակ անց, պարսիկները
հաշտություն խնդրեցին: Սկսված բանակցություններն ավարտվեցին Ք.ա. 449թ. կնքված
Կալլիոսյան հաշտության պայմանագրով, որն արձանագրեց հույն-պարսկական
պատերազմի իրավական ավարտը և հույների հաղթանակը: Հույներին հաջողվեց,
անհավասար պայքարում պարտության մատնել հզոր հակառակորդի և լիովին
ազատագրել իրենց հայրենիքը գավթիչներից: Դա հունական քաղաքակրթության
հզորության գագաթնակերտն էր:

Թեմա 7. Հին Հունաստանը Ք.ա. V-IV դդ.

Հույն-պարսկական պատերազմից հետո Հունաստանի տարբեր երկրամասերում շարունակվում էր պայքարը արիստոկրատիայի և դեմոկրատիայի կողմնակիցների միջև: Ք.ա. 476 –ական թվականներին արիստոկրատական խմբերին զգալի աջակցություն էր ցուցաբերում սպարտական գորավար Պավսանիոսը, որն օգնեց Բեովթիայի հետադիմական շրջաններին հաղթանակ տանել դեմոկրատների նկատմամբ: Կարճ ժամանակ անց Պավսանիոսը, որն օգնեց Բեովթիայի հետադիմական շրջաններին հաղթանակ տանել դեմոկրատների նկատմամբ: Կարճ ժամանակ անց Պավսանիոսը իր հայրենիքում փորձեց հեղաշրջում կազմակերպել, սակայն ձախողվեց և սպանվեց: Ք.ա. 464թ. սպարտացիները մեծ դժվարությամբ ճնշեցին հելոտների ապստամբությունը: Հարևան Արգոսում հաղաթանակ տարան դեմոկրատները: Աթենքում մինչև Ք.ա. 471թ. մինչև օստրակիզմի ենթարկվելը քաղաքական գերակայությունը Թեմիստոկլեսինն է, այսինքն դեմոկրատներինը: Սակայն նրա վտարվելուց հետո գերիշխանությունն անցավ արիստոկրատիայի կողմնակիցներին, որոնց ճանաչված առաջնորդը Կլեոնն էր, Միլթիադեսի որդին: Նա ուժեղացավ արեոպագոսի՝ տոհմիկ ավագանու խորհուրդի հետ, որն օժտված էր ժողովրդական ժողովի որոշումներն արգելափակելու իրավունքով: Բացի այդ, միայն արեոպագոսն էր իրավասու քննել պաշտոնեական դիրքի չարաշահումներին առնչվող գործերը: Ք.ա. 464թ. Կլեոնը ենթարկվեց օստրակիզմի: Դրանից օգտվելով էլ դեմոկրատների ղեկավար Էփիալտեսը Ք.ա. 462թ. մի շարք դատական գործեր հարուցեց արիստոկրատների դեմ, իսկ Ք.ա. 461թ. զրկեց արեոպագոսին ելլեսիայի վրա արգելափակում դնելու և պաշտոնական հանցագործությունները քննելու իրավունքներից: Ժողովրդական ատենակալների դատարանը՝ հելեյան, ստացավ օրենսդրության նկատմամբ վերահսկողության իրավունք Էփիալտեսը շուտով սպանվեց, սակայն դեմոկրատները շարունակեցին գերիշխել մինչև Ք.ա. 430թ. մինչև իրենց ամենահայտնի առաջնորդ Պերիկլեսի մահը: Հույն-պարսկական պատերազմից անմիջապես հետո սրվեց միջհունական մրցակցությունը երկու դաշինքների՝ Պելոպոնեսյան և Աթենական (Դելոսյան) միջև հանուն համահունական գերակայության: Սկսվեց հակամարտության և եղբայրասպան բախումների մի ցավոտ շրջան, ինչի արդյունքում թուլանում և հետ էր շարտվում Հունաստանը: Հասունանում է Պելոպոնեսյան պատերազմը: Դրա նախամուտքը

Հին Հունաստանի և Հռոմի պատմություն դասախոս՝ Ա. Նիկողոսյան
եղավ Ք.ա. 459-445թթ. զինված կոնֆլիկտը հունական պետությունների միջև: Ճիշտ է Ք.ա. 445թ. դաշինքների միջև 30-տարով կնքվեց զինադադար, բայց այն խախտվեց արդեն Ք.ա. 431թ.: Դադարից օգտվեց Աթենքը, որը Պերիկլեսի կառավարման օրոք (Ք.ա. 444-430թթ.) հզորացավ թե՛ տնտեսապես և թե՛ ռազմականապես: Պերիկլեսը մի շարք դեմոկրատական բարեփոխումները իրականացրեց: Պետական ընտրովի պաշտոններից դարձրեց վճարովի և դրանով թույլ տվեց, որ թետոսները ևս մասնակցեն կառավարմանը: Վիթխարի շինարարական աշխատանքների շնորհիվ վերացրեց գործազրկությունը: 10 հազ. հողագուրկ ընտանիքների հող հատկացրեց: Կտրուկ բարձրացրեց եկեւսիայի դերն ու նշանակությունը, որը դարձավ պետության իրական կոլեկտիվ ղեկավարը: Հակառակը կտրուկ նվազեց արեոպագոսի և արքունտոսների դերը: Դեյուս կղզուց Աթենք տեղափոխվեց դաշինք գանձարանը, ինչի շնորհիվ հզորացվեց աթենական նավատորմը: Ք.ա. 446թ. Պերիկլեսը փորձ արեց վերացնել միջհունական թշնամանքը և հրավիրվեց համահունական հավաք, սակայն այն չկայացավ Սպարտայի ընդդիմության պատճառով: Պելոպոնեսյան պատերազմը, որն սկսվեց Ք.ա. 431թ. և ավարտվեց Ք.ա. 404թ. մեծ ավերածություններ և կորուստներ պատճառեց Հունաստանին: Պատերազմի սկզբին Ք.ա. 429թ. մահացավ Պերիկլեսը: Նրա հետնորդները չկարողացան հաղթանակներ ապահովել և Ք.ա. 421թ. կնքվեց զինադադար: Ք.ա. 415թ. այն կրկին խախտվեց: Վերսկսված ռազմական գործողություններին խառնվեցին պարսիկները, որոնց սրելով հույների միջև թշնամիները Ք.ա. 411թ. Աթենքում հեղաշրջում իրականացրեցին: Սկսվեց քաղաքացիական պատերազմ: Հազարավոր մարդիկ զոհ գնացին խարդավանքներին և հալածանքներին: Թուլացած Աթենքը Ք.ա. 405թ. պարտություն կրելով, ստիպված էր Նավատորմը և ճանաչում էր Սպարտայի գերիշխանությունը, որը տևեց մինչև Ք.ա. 378թ.: Ք.ա. 395-387թթ. տեղի ունեցավ եղվայրասպան նոր պատերազմ՝ կորնթոյանը, որն ավարտվեց պարսիկների դիվանագիտական հաղթանակով և Հունաստանի պառակտմամբ: Ք.ա. 371-362թթ. վրա հասավ Թեբեի գերիշխանության շրջանը: Փոխադարձ թշնամանքը և ատելությունը այն աստիճան թուլացրեցին հույներին, որ Ք.ա. 355թ. դրությամբ ոճ Սպարտան և ոչ էլ Աթենքը ի վիճակի չեղան դիմագրավելու երկրի հյուսիսում հզորացած նոր ուժին՝ Մակեդոնիային, որը մտավ հունական գերակայության համար պայքարի մեջ:

Թեմա 8. Մակեդոնիայի Հզորացումը

Մինչև Ք.ա. V դարը Մակեդոնիան հետամնաց երկիր էր տոհմա-ցեղային հասարակարգի գերակայությամբ: Տնտեսական զարգացումն ապահովում էր անասնապահությունը: Արհեստները և առևտուրը համարյա բացակայում էին: Քաղաքները նույնպես շատ քիչ էին իշխանությունը զուտ խորհրդանշական էր: Ցեղերի և ցեղային միությունների առաջնորդները, որոնք կազմում էին ավագների խորհուրդը (հետերիա) չէին ենթարկվում արքային: Մակեդոնիայի զարգացումն սկսվեց Ք.ա. V դարից, երբ Արքեղայոս թագավորը (Ք.ա. 413-399թթ.) աշխուժացրեց տնտեսական, առևտրական և մշակութային կապերը հունական առավել զարգացած պետությունների հետ: Նրա հրավիրած հույն ճարտարապետները սկսեցին ամրոցներ կառուցել, հույն զորավարներն էին վարժեցնում մակեդոնական քանակը: Առանձնապես լայն թափ ստացավ Մակեդոնիայի վերելքը Փիլիպոս II արքային օրոք (Ք.ա. 359-336թթ.): Նա մի շարք արմատական բարեփոխումներ անցկացրեց նախ ստեղծեց համամակեդոնական զորք աշխարհագորք փոխարեն: Ձևավորեց հանրահայտ ծանրապես մակեդոնական հետևազորը՝ փաղանգը, որն համարվում էր անպարտելի: Ապա մտցրեց ընդհանուր արժույթ՝ ոսկեդարում, որն անվանում էին «փիլիպիկներ»: Նրա օրոք ակտիվորեն սկսեցին շահագործել Մակեդոնիայի ոսկու հանքերը: Ֆինանսապես և ռազմականապես հզորանալով, Մակեդոնիան սկսեց խառնվել միջհունական մրցակցությանը Փիլիպոսը II ներքաշվեց Ք.ա. 356-346թթ. տեղի ունեցած «Սրբազան պատերազմին» և կարողացավ իր ազդեցության տակ զցել Թեսալիան և Փոկիստ: Նրա դեմ ձևավորվեց Միջին հունական պետությունների դաշինք Աթենքի գլխավորությամբ: Ք.ա. 338թ. Քերոնեյի մոտ ճակատամարտում մակեդոնացիները պարտության մատնեցին այդ դաշինքին: Աչքի ընկավ թագաժառանգ Ալեքսանդրը: Ք.ա. 337թ. Կորնթոսում Փիլիպոսը համահունական ժողով հրավիրեց: Նա իրեն հռչակեց հունաստանի «հեգեմոն» և խոստացավ պատերազմը սկսել Պարսկաստանի դեմ: Սակայն Ք.ա. 336թ. Փիլիպոս II սպանվեց: Մակեդոնիայի արքա հռչակվեց Ալեքսանդր III (Ք.ա. 336-323թթ.):

Թեմա 9. Մակեդոնացու արևելյան արշավանքը

Ալեքսանդր Մակեդոնացին Ք.ա. 334թ. սկսեց իր Արևելյան արշավանքը, որի նպատակը Աքեմենյան Պարսկաստանի և նրան հարակից տարածաշրջանների նվաճումներից թուլացած և գահակալական խռովություններով լեցուն Պարսկաստանն էր Դարեհ III գլխավորությամբ: Առաջին ճակատամարտը տեղի ունեցավ Ք.ա. 334թ. մայսիսն Գրանիկոս գետի մոտ: Հաղթանակ տանելով. Ալեքսանդրը սկսեց մեկը մյուսի հետևից գրավել Փոքր Ասիայի քաղաք-պետությունները, որոնց մեծ մասը առանց դիմադրության հանձնվեցին: Ք.ա. 333թ. աշնանը, Փոքր Ասիայի խորքում՝ Դաշտային Կիլիկիայի սահմանին, Իսոս վայրում տեղի ունեցավ ճակատամարտ, որտեղ կրկին հաղթեցին մակեդոնացիները: Դարեհը փախավ՝ իր ընտանիքը գերի թողնելով: Ասորքը և Փյունիկիան դիմադրեց միայն Տյուրոս քաղաքը: Այստեղից Ալեքսանդրը գնաց Եգիպտոս, որտեղ նրան դիմավորեցին որպես ազատարարի: Նա այստեղ նույնիսկ աստվածացվեց և հիմնեց Ալեքսանդրիա հայտնի քաղաքը: Ք.ա. 331թ. Գավգամելայի մոտ, հոկտեմբերի 1-ին տեղի ունեցավ վշտական ճակատամարտ մակեդոնական և պարսկական զորքերի միջև: Ճակատամարտի թեժ պահին Դարեհը փախավ և նրա զորքը խայտառակ պարտություն կրեց: Ալեքսանդրի զորքը գրավեց Բաբելոնը և պարսկական 3 մայրաքաղաքները: Շուտով Դարեհը սպանվեց և Ալեքսանդրը զբաղեցրեց պարսկական գահը: Շարունակելով առաջխաղաղացումը, մեծ դժվարությամբ նվաճվեց Միջին Ասիան՝ Բակտրիան և Սողդիան: Այստեղ Ալեքսանդրի դեմ հուժկու ապստամբությամբ: Բոլոր նվաճված երկրամասերում Ալեքսանդրը հիմնում էր իր անունը կրող քաղաքներ, որտեղ տեղակայում էր Մակեդոնական կայսրոսներ:

Այնուհետև, մակեդոնական զորքը հասավ Հնդկաստան: Պարտության մատնելով հնդոսի թագավոր հորոսի զորքին, Մակեդոնիացին այստեղ ևս հիմնեց նիկեա քաղաքը: Շուտով նա հասավ Գանգես գետին և կարող էր այդ տարածաշրջանը ևս նվաճել, սակայն վճռեց այդքանով բավարարել և կարգադրեց հետ վերադառնալ: Նահանջը սկսվեց Ք.ա. 326թ.: Ք.ա. 325թ. Մակեդոնացին արդեն Բաբելոնում էր: Այսպիսով նվաճված էր Միջերկրական ծովից մինչև Հնդկաստան ձգվող մի վիթխարի տարածք, տասնյակ ժողովուրդներով հանդերձ: Դադար առնելոց հետո Ալեքսանդր Մեծը սկսեց մշակույթների և քաղաքակրթությունների միախառնման քաղաքականություն, որն հայտնի է հելլենիզմ անվամբ: Դա Արևմուտքի և Արևելքի մշակութային, էթնիկ, քաղաքական և տնտեսական

Հին Հունաստանի և Հռոմի պատմություն դասախոս՝ Ա. Նիկողոսյան
առնչությունների և փոխազդեցության ժամանակաշրջանի սկիզբն էր: Ք.ա. 323թ. Ալեքսանդր
Մակեդոնացին մահացավ, սակայն նրա ստեղծած տերության հիմքի վրա ձևավորվեցին
հելլենական պետությունները:

Թեմա 10. Հելլենիստական Հունաստանը: Նվաճումը Հռոմի կողմից

Ալեքսանդր Մեծի մահվանից հետո կատաղի պայքար սկսվեց նրա գորավարների և սատրապների միջև: Ամենաառաջինը միմյանց դեմ դուրս եկավ Եգիպտոսի սատրապ Պտղոմեոսը և Ալեքսանդրի որդու խնամակալ նշանակված Պերդիկան: Հետո այդ պայքարին միացան մյուսները: Ք.ա. 301թ. Փոլոզիայի Իպսոս վայրում տեղի ունեցավ վճռական ճակատամարտ, որի արդյունքում էլ Ալեքսանդրի տերությունը բաժանվեց հետևյալ կերպ՝ Եգիպտոսն անցավ Պտղոմեոսին, Պարսկաստանի զգալի մասը՝ Սելևկին, Մակեդոնիան՝ Անտիգոնոսին: Ձևավորվեցին մի շարք պետություններ, որոնց ընդունված է անվանել հելլենական: Դրանցից ամենազարգացածը և հարուստը Պտղոմեոսյան Եգիպտոսն էր, որը գոյատևեց մինչև Ք.ա. 30թ.: Հելլենական Եգիպտոսի առանձնահատկությունն այն է, որ թագավորն էր հանդիսանում երկրի բոլոր հողերի գերագույն սեփականատերեր և ինքն էր դրանք վարձակալության տալիս իրեն հաճելի մարդկանց: Բացի այդ, թագավորին էին պատկանում հանքերը, ճանապարհները, քաղաքները: Արհեստների զգալի մասը և առևտուրը նույնպես թագավորի մենաշնորհն էին: Հարուստ թագավորները ծավալեցին մեծ շինարարական գործունեություն: Կառուցվեց Նեղոս գետը Կարմիր ծովին միացնել ջրանցքը: Եգիպտոսի առևտրական նավատորմը ամենամեծն էր այն ժամանակվա աշխարհում: Հռչակված էր Ալեքսանդրիա քաղաքը, որտեղ կար գիտությունների Ակադեմիա՝ Մուսեյոն և խոշոր գրադարան: Հայտնի է Ալեքսանդրիայի Փարոսը: Զարգացածությամբ և հզորությամբ հաջորդ հելլենական պետությունը Սելևկյան տերությունն էր, որը տարածքով ամենամեծն էր: Այս պետությունը գոյատևեց մինչև Ք.ա. 64թ.: Պետության տարածքը վիթխարի էր և բաժանված էր սատրապությունների: Մայրաքաղաքը Անտիոքն էր: Տերությունը հզորության գագաթնակետին հասավ Անտիոքոս Մեծի օրոք (Ք.ա. 223-187թթ.): Սակայն նրա գահակալման ավարտին սկսվեց թուլացումը և տրոհումը: Ք.ա. 64թ. Սելևկյան տերությունը նվաճեց Հռոմի կողմից Եվրոպայում էլ տեղակայված հելլենական Մակեդոնիան, որտեղ հաստատվել էր Անտիգոնոսի արքայատոհմը: Մակեդոնիան հզոր էր մինչև Ք.ա. 198թ., երբ Փիլիպոս V-ի օրոք պարտվեց հռոմեացիներին, սկսվեց թուլանալ և Ք.ա. 148թ. նվաճեց Հռոմի կողմից Էգեյան ծովում ձևավորված Հռոդոս կղզի-պետությունը, որը հայտնի էր իր ֆինանսներով: Հռոդոսը պարտքով փող էր տրամադրում նույնիսկ

Հին Հունաստանի և Հռոմի պատմություն դասախոս՝ Ա. Նիկողոսյան
ամենահզոր միապետներին և վիթխարի եկամուտներ էր ստանում: Բացի այդ, այստեղ էր
գտնվում այդ ժամանակվա աշխարհի ամենամեծ ստրկավաճառական շուկան:

Մեկ այլ հեղինակ պետություն էր Փոքր Ասիայում գտնվող Պերգամոնի
թագավորությունը: Սա հայտնի էր իր մագաղաթով, գործվածքներով և մեծ առևտրական
նավատորմով: Պերգամոն պետությունը գոյատևեց մինչև Ք.ա. 133թ. և նվաճեց Հռոմի
կողմից:

Մի շարք հելենական պետություններ առաջացան Միջին Ասիայում Ք.ա. 255թ.
ստեղծվեց Հունա-Բակտրիական թագավորությունը Սամարղանդ մայրաքաղաքով:
Նրանից հարավ-արևելք ձևավորվեց Հունա-Հնդկական թագավորությունը: Բացի այդ
հելենական մի պետություն էլ ձևավորվեց Սև ծովի ափին: Նա հայտնի էր որպես Բոսփորի
թագավորություն (կամ Պոնտոսի թագավորություն): Սա գոյատևեց մինչև Ք.ա. 47թ. Բուն
Հունաստանում առավել հզորը Անգիզոնոսյան Մակեդոնիան էր մանավանդ Փիլիպոս V
օրոք: Վերջինս բախվեց հզորացած Հռոմի հետ: Տեղի ունեցած երեք Մակեդոնական
պատերազմների արդյունքում Մակեդոնիան նվաճվեց և կորցրեց իր ազդեցությունը: Ք.ա.
148թ. այն վարածվեց հռոմեական պրովինցիայի: Երբ Ք.ա. 147թ. Հռոմի դեմ ապստամբեց
Միջին Հունաստանը, այստեղ ուղարկված հռոմեական զորքը Կվինտոսը Մետելլի
գլխավորությամբ դաժանորեն ճնշեց այդ ապստամբությունը և Ք.ա. 146թ. Հունաստանը
հայտարարեց նվաճված:

Թեմա 11. Հին Հռոմը թագավորական ժամանակաշրջանում

Թագավորական ժամանակաշրջանը Հին Հռոմում ներառում է Ք.ա. 753-509թթ. : Հայտնի են միմյանց հաջորդող 7 թագավորներ: Դրանցից առաջինը քաղաք-պետության հիմնադիր Հռոմուլոսն է, որը գահակալեց Ք.ա. 753-740թթ.: Նրան հաջորդել է Նումա Պոմպիլիոսը, որն իրականացրեց մի շարք բարեփոխումներ: Նա կարգավորեց օրացույցը, հիմնեց քրմական կոլեգիաներ և ձևավորեց արհեստավորական համաքարություններ: Երրորդ արքան՝ Տուլիոս Հոստիլիոսը, գրավեց Ալբա-Լոնգա քաղաքը և նրա բնակիչներին վերաբնակեցրեց Հռոմում: Չորրորդ թագավոր Անկուս Մարցիոսը հայտնի է իր շինարարական գործունեությամբ: Նա կառուցել է առաջին կամուրջը Տիբեո գետի վրա և Հռոմի նավահանգիստ Օստիան: Հռոմի հաջորդ երեք թագավորները ազգությամբ էտրուսկներ էին: Նախ Ք.ա. 616-578թթ. թագավորել է Տարքվինիոս Ավագը, որը համարվում է Հռոմին իրական քաղաքի տեսք տվողը, քանի որ կառուցել է կենտրոնական հրապարակը՝ Ֆորումը, ապա անցկացրել ջրմուղ և կոյուղի, սալարկել է փողոցները: և Կապիտալիումի տաճարը: Սա սպանվեց իր ստրուկի կողմից, որն էլ դարձավ հաջորդ թագավորը՝ Սերվիոս Տուլիոս անունով (Ք.ա. 578-534թթ.): Սերվիոսը մի շարք բարեփոխումներ անցկացրեց: Նախ, նա վարչական բաժանում իրականացրեց և ձևավորեց նոր միավորներ՝ տրիբուններ (օկրուգներ), որոնց թիվը 20 էր: Ապա Տուլիոսը Հռոմի բնակչությունը բա-անեց դասերի՝ առանձնացնելով 5 դասեր ըստ ունեցվածքի: Ապա նա ռազմական բարեփոխում կատարեց զորքը բաժանելով, հարյուրյակների՝ ցենտուրիաների, որոնց թիվը հասավ 193-ի: Բացի այդ, Տուլիոսը կառուցեց Հռոմի արտաքին պարիսպներ: Նա ևս սպանվեց և թագավոր դարձավ Տարքվինիոս Գոռոզը (Ք.ա. 534-509թթ.): Քանի որ սա կառավարում էր արհամարհելով իր քաղաքացիներին և նրանց հալածանքների էր ենթարկում, հռոմեացիները Ք.ա. 510թ. ապստամբեցին և մի տարվա ընթացքում վտարեցին Տարքվինիոսին: Միապետությունը վերացավ, Հռոմը դարձավ հանրապետություն:

Թագավորական Հռոմն ուներ պետական կառավարման համակարգը:

Իշխանական բուրգի ամենավերևում ռազմական առաջնորդի, քրմապետի և գերագույն դատավորի գործառույթներով օժտված թագավորն էր: Օրենսդիր համակարգը ներկայացված էր ավագների խորհուրդով՝ Սենատով, որի անդամները 300 առավել հայտնի և ունևոր տոհմերի նահապետներն էին: Քիչ ներքև եռամակարդակ ժողովրդական

Հին Հունաստանի և Հռոմի պատմություն դասախոս՝ Ա. Նիկողոսյան
Ժողովն էր՝ Կոմիցիան: Կային տրիբունսային, ցենտուրիալ և կուրիալ կոմիցիաներ: Մինչև
Տուլիոսի բարեփոխումները հռոմեական հասարակությունն ուներ հետևյալ սոցիալ-
էթնիկական կառուցվածքը: Հիմնական բջիջը տոհմն էր: Հաշվվում էին 300 տոհմեր: Դրանք
միավորված էին ավելի խոշոր միավորների՝ կուրիաների մեջ, որոնց թիվը 30 էր, իսկ
սրանք էլ միավորված էին 3 ցեղերի՝ տրիբունների մեջ: Տոհմիկ, Հռոմի հիմնադրումից
սկսած քաղաքում բնակվողներին՝ լիիրավ հռոմեացիներին անվանում էին պատրիկներ:
Միայն նրանք իրավունք ունեին մասնակցել հասարակական-քաղաքական կյանքին և
գրադեցնել պետական պաշտոններ: Նրանցից քիչ ներքև կլիենտների խավն էր: Սրանք
պատրիկների հովանավորության տակ գտնվող նրանց համեմատաբար չունևոր
ազգականներն էին: Հասարակության ամենաստորին և իրավագուրկ խավը եկվոր
պլեբեյներն էին և նրանցից առավել ծանր վիճակում գտնվող ստրուկները: Թագավորական
Հռոմը բնեռացված, սոցիալական պայքարով լեցուն պետություն էր: